

宋
名
家
詞

稼軒詞目錄

卷第一

哨遍 三調

六州歌頭 一調

蘭陵王 二調

賀新郎 二調

念奴嬌 十九調

沁園春 十三調

水調歌頭 二十
五調

玉蝴蝶 二調

卷第二

滿江紅 三十
三調

木蘭花慢 四調

水龍吟

十三調

摸魚兒

三調

西河

一調

永遇樂

五調

歸朝歡

四調

一枝花

一調

喜遷鶯

一調

瑞鶴仙

三調

聲聲慢

四調

八聲甘州

二調

雨中花慢

二調

漢宮春

六調

滿庭芳

四調

六么令

二調

醉翁操

一調

醜奴兒近

一調

洞仙歌 四調

驀山溪 二調

最高樓 八調

上西平 二調

卷第三

新荷葉 五調

御街行 二調

祝英臺近 二調

婆羅門引 五調

千年調 二調

粉蝶兒 一調

千秋歲 一調

江神子 十二調

青玉案 一調

感皇恩 五調

行香子 四調

一剪梅 二調

踏沙行 四調

定風波 十一調

破陣子 五調

臨江仙 二十四調

蝶戀花 十二調

小重山 三調

南鄉子 五調

鷓鴣天 五十九調

瑞鷓鴣 五調

卷第四

玉樓春 十七調

鵲橋仙 七調

西江月

十五調

朝中措

五調

清平樂

十五調

好事近

四調

菩薩蠻

十三調

卜算子

十三調

醜奴兒

八調

浣溪沙

十五調

山花子

八調

虞美人

四調

浪淘沙

三調

減字木蘭花

三調

南歌子

三調

醉太平

一調

漁家傲

一調

錦帳春

一調

太常引

四調

東坡引

三調

夜遊宮

一調

戀繡衾

一調

杏花天

三調

唐河傳

一調

醉花陰

一調

品令

一調

惜分飛

一調

柳梢青

三調

河瀆神

一調

武陵春

二調

謁金門

三調

酒泉子

一調

霜天曉角

二調

點絳脣

二調

生查子

十調

尋芳艸

一調

阮郎歸

一調

昭君怨

三調

烏夜啼

三調

一絡索

二調

如夢令

一調

憶王孫

一調

稼軒詞目錄

終

稼軒詞

宋 辛棄疾

哨遍

秋水
觀

蝸角鬪爭左觸右蠻一戰連千里君試思方寸
此心微總虛空并包無際喻此理何言泰山毫
末從來天地一稊米嗟小大相形鳩鵬自樂之
二蟲又何知記跖行仁義孔丘非更殤樂長年
老彭悲火鼠論寒氷蠶語熟定誰同異 噫賢

賤隨時連城纔換一羊皮誰與齊萬物莊周吾
夢見之正商略遺篇翩然顧笑空堂夢覺題秋
水有客問洪河百川灌雨涇流不辨涯涘於是
焉河伯欣然喜以天下之美盡在已渺滄溟望
洋東視逡巡向若驚歎謂我非逢子大方達觀
之家未免長見悠然笑耳此堂之水幾何其但
清溪一曲而已

又

用前
韻

一壑自專五柳笑人晚乃歸田里問誰知幾者
動之微望飛鴻冥冥天際論妙理濁醪正堪長
醉從今自釀躬耕米嗟美惡難齊盈虛如代天
耶何必人知試回頭五十九年非侶夢裏歡娛
覺來悲夔乃憐絃穀亦亡羊算來何異 嘻物
諱窮時豐狐文豹罪因皮富賢非吾願邊邊乎
欲何之正萬籟都沉月明中夜心彌萬里清如
水却自覺神遊歸來坐對依稀淮岸江溪看一

時魚鳥忘情喜會我已忘機更忘已又何曾物
我相視非魚濠上選意要是吾非子但教河伯
休慚海若大小均爲水耳世間喜愠更何其笑
先生三仕三已

又

趙昌父之祖季思學士退居鄭圃有亭
名魚計宇文叔通爲作古賦今昌父之
弟成父於所居鑿池築亭榜以舊名爲
成父作詩屬余賦哨遍莊周論於蟻棄
知於魚得計於羊棄意其義美矣然上
文論蠶託於豕而得焚羊肉爲蟻所慕
而致殘下文將併結二義乃獨置豕蠶
不言而遽論魚其義無所從起又聞於

羊蟻兩句之間使羊蟻之義離不相屬
何耶其必有淡意存焉顧後人未之曉
耳或言蟻得水而死羊得水而病魚得
水而活此最穿鑿不成意趣余嘗反復
尋繹終未能得意世必有能讀此書而
了其義者他日倘見之而問焉姑先識
余疑於此

詞云爾

池上主人人適忘魚魚適還忘水洋洋乎翠藻
青萍裏相魚兮無便於此嘗試思莊周談兩事
一明豕蝨一羊蟻說蟻慕於羶於蟻奔知又說
於羊棄意甚蝨焚於豕獨忘之却驟說於魚爲

得計千古遺文我不知言以我非子 噫子固
非魚魚之爲計子焉知河水淡且廣風濤萬頃
堪依有網罟如雲鵜鵠成陣過而雷泣計應非
其外海茫茫下有龍伯飢時一啖千里更任公
五十糖爲餌使海上人人厭腥味似鷓鴣變化
幾東遊入海此計直以命爲嬉古來謬算狂圖
五鼎烹死栢爲平地嗟魚欲事遠遊時請三思
而行可矣

六州歌頭

屬得疾甚醫者莫曉其狀
小愈困臥無聊戲作以自釋

晨來問疾有鶴止庭隅
吾語汝只三事大愁余
病難扶手種青松樹
碍梅塢妨花逕纔數尺如
人立却須鋤
秋水堂前曲沼明於鏡
可燭眉鬚被山頭急雨耕
壟灌泥塗誰使吾廬映汚渠
歎青山好簷外竹遮欲盡
有還無刪竹去吾乍
可食無魚愛扶疎
又欲爲山計千百慮累吾軀
凡病此吾過矣子奚知
口不能言臆對雖盧

扁藥石難除有要言妙道往問北山愚庶有瘳
乎

蘭陵王

賦一丘
一壑

一丘壑老子風流占却茅簷上松月桂雲脉脉
石泉遶山脚尋思前事鎔惱殺晨猿夜鶴終須
是鄧禹輩人錦繡麻霞坐黃閣長歌自深酌
看天闊鷺飛淵靜魚躍西風黃菊香噴薄悵日
暮雲合佳人何處納蘭結佩帶杜若入江海會

約 遇合事難托莫擊磬門前荷蕢人過仰天
大笑冠簪落待說與寤達不須疑著古來賢者
進亦樂退亦樂

又

已未八月二十日夜夢有人以石研屏
見僕者其色如玉光潤可愛中有一牛
磨角作鬪狀云湘潭里有張其姓者
多力善鬪號張難敵一日與人搏偶敗
忿赴河而死居三日其家人來視之浮
水上則牛耳自後竝水之山往往有此
石或得之里中輒不利夢中與之爲作
詩數百言大抵皆取古之怨憤變化與
物等事覺而忘其言後

三日賦詞以識其異

稼軒

汲古閣

恨之極恨極銷磨不得莫弘事人道後來其血
三年化爲碧鄭人緩也泣吾父攻儒助墨十年
夢沈痛化余秋柏之間旣爲實 相思重相憶
被怨結中腸潛動精魄望夫江上巖巖立嗟一
念中變後期長絕君看啓母憤所激又俄頃爲
石 難敵最多力甚一念沉淵精氣爲物依然
困鬪牛磨角用便影入山骨至今雕琢尋思人
世只合化夢中蝶

賀新郎

賦水
仙

雲臥衣裳冷看蕭然風前月下
水邊幽影羅襪生塵凌波去
湯沐煙波萬頃愛一點嬌黃成暈
不記相逢曾解佩甚多情爲我香成陣待和淚
收殘粉靈均千古懷沙恨記當時
怱怱忘把此仙題品煙雨淒迷
倻憊損翠袂搖搖誰整謾
寫入瑤琴幽憤絃斷招魂無人賦
但金杯的皪銀臺潤愁帶酒又獨醒

又賦海

著厭霓裳素染臙脂苧羅山下浣沙溪渡誰與
 流霞千古醞引得東風相誤從吏入吳宮深處
 鬢亂釵橫渾不醒轉越江剡地迷歸路煙艇小
 五湖去 當時倩得春留住就錦屏一曲種種
 斷腸風度纔是清明三月近須要詩人妙句笑
 援筆慙慙爲賦十樣蠻牋紋錯綺粲珠璣淵擲
 驚風雨重喚酒共花語

又

賦滕
王閣

高閣臨江渚訪層城空餘舊迹黯然懷古畫棟
朱簾當日事不見朝雲暮雨但遺下西山南浦
天宇修眉浮新綠映悠悠潭影恨如故空有恨
奈何許 王郎健筆誇翹楚到如今落霞孤鶩
競傳佳句物換星移知幾度夢想珠歌翠舞爲
徙倚闌干凝佇目斷平蕪蒼波晚快江風一瞬
澄襟暑誰共飲有詩侶

又

賦琵琶

鳳尾龍香撥自開元霓裳曲罷幾番風月最苦
潯陽江頭客畫舸亭亭待發記出塞黃雲堆雪
馬上離愁三萬里望昭陽宮殿孤鴻沒絃解語
恨難說 遼陽驛使音塵絕瑣窗寒輕攏撚
珠淚盈睫推手含情還却手一抹梁州哀徹千
古事雲飛煙滅賀老定傷無消息想沉香亭北
繁華歇彈到此爲嗚咽

又

柳暗凌波路送春歸猛風暴雨一番新綠千里
瀟湘葡萄漲人解扁舟欲去又檣燕畱人相語
艇子飛來生塵步唾花寒唱我新番句波似箭
催鳴櫓黃陵祠下山無數聽湘娥泠泠曲罷
爲誰情苦行到東吳春已算正江濶潮平穩渡
望金雀觚稜翔舞前度劉郎今重到問玄都千
樹花存否愁爲倩么絃訴

又

東同父自東陽來過余留十日與之同
游鵝湖且會朱晦菴於紫溪不至飄然
東歸既別之明日余意中殊戀戀復欲
追路至鷺鷥林則雪深泥滑不得前矣
獨飲方村悵然久之頗恨挽留之不遂
也夜半投宿吳氏泉湖四望樓間隣笛
悲甚爲賦乳燕飛以見意又五日同父
書來索詞心所同然者如此可發千里

笑一

把酒長亭說看淵明風流酷似臥龍諸葛何處
飛來林間鵲蹙踏松梢殘雪要破帽多添華髮
剩水殘山無態度被疎梅料理成風月雨三鴈

也瀟瑟 佳人重約還輕別 悵清江天寒不渡
水深冰合路斷車輪生四角 此地行人銷骨問
誰使君來愁絕 鑄就而今相思錯 料當初費盡
人間鐵 長夜笛莫吹裂

又

同父見和再用韻答之

老大那堪說 似而今元龍臭味 孟公瓜葛 我病
君來高歌飲 驚散樓頭飛雪 笑富賢千鈞如髮
硬語盤空 誰來聽 記當時只有西窗月 重進酒

換鳴瑟 事無兩樣人心別問渠儂神州畢竟
幾番離合汗血鹽車無人顧千里空收駿骨正
目斷關河路絕我最憐君中宵舞道男兒到此
心如鐵看試手補天裂

又 用前韻贈金華杜仲高

細把君詩說恍餘音鈞天浩蕩洞庭膠葛千丈
陰崖塵不到惟有層冰積雪乍一見寒生毛髮
自管佳人多薄命對古來一片傷心月金屋冷

夜調瑟 去天尺五君家別看乘空魚龍慘淡
風雲開合起望衣冠神州路白日銷殘戰骨歎
夷甫諸人清絕夜半狂歌悲風起聽錚錚陣馬
簷間鐵南共北正分裂

又

三山雨中游西湖有懷趙丞相

翠浪吞平野挽天河誰來照影臥龍山下煙雨
偏宜晴更好約略西施未嫁待細把江山圖畫
千頃光中堆灑瀨似扁舟欲下瞿塘馬中有句

沿難寫 詩人例入西湖社記風流重來手種
綠成陰也陌上游人誇故十里水晶臺榭更複
道橫空清夜粉黛中洲歌妙曲問當年魚鳥無
存者堂上燕又長夏

又

和前韻

覓句如東野想錢塘風流處士水仙祠下更憶
小孤煙浪裏望斷彭郎欲嫁是一色空濛難畫
誰解胸中吞雲夢試呼來艸賦看司馬須更把

上林寫 雞豚舊日漁樵社問先生帶湖春漲
幾時歸也爲愛瑠璃三萬頃正臥水亭煙榭對
玉塢激瀾深夜鴈驚如雲休報事被詩逢敵手
皆勅者春艸夢也宜夏

又
前韻

碧海成桑野笑人間江翻平陸水雲高下自是
三山顏色好更看雨婚煙嫁料未必龍眠能畫
擬向詩人求幼婦倩諸君妙手皆談馬須進酒

爲陶寫 回頭鷗鷺瓢泉社莫吟詩莫拋酒尊
是吾盟也千騎而今遮白髮忘却滄浪亭榭但
記得灞陵呵夜我輩從來文字飲怕壯懷激烈
須歌者蟬噪也綠陰夏

又

別茂嘉十二弟鶉鳩社
鶴實兩種見離騷補註

綠樹聽鶉鳩更那堪鷓鴣聲住杜鵑聲切啼到
春歸無尋處苦恨芳菲都歇筭未抵人間離別
馬上琵琶關塞黑更長門翠輦辭金闕看燕燕

送歸妾 將軍百戰身名烈向河梁回頭萬里
故人長絕易水蕭蕭西風冷滿座衣冠似雪正
壯士悲歌未徹啼鳥還知如許恨料不啼清淚
長啼血誰共我醉明月

又

題趙兼善龍閣
東山小魯亭

下馬東山路恍臨風周情孔思悠然千古寂寞
東家丘何在縹緲危亭小魯試重上巖巖高處
更憶公歸西悲日正濛濛陌上多零雨嗟費却

幾章句 謝公雅志還成趣 記風流中年懷抱
長攜歌舞政爾良難君臣事 晚聽秦箏聲苦快
滿眼松篁千畝把似渠垂功名淚 筭何如且作
溪山主 雙白鳥又飛去

又

題傅君
用山園

曾與東山約爲儵魚從容分得清泉一勺堪笑
高人讀書處多少松窗竹閣甚長被遊人占却
萬卷何言達時用士方窮早與人同樂新種得

幾花藥 山頭怪石蹲秋鷄俯人間塵埃野馬
孤撐高攬拄杖危亭扶未到已覺雲生兩腳更
換却朝來毛髮此地千年曾物化莫呼猿且自
多招鶴吾亦有一丘壑

又

用韻題趙晉臣敷文積翠巖余謂當築波於其前

拄杖重來約到東風洞庭張樂滿空簫勺巨海
拔犀頭角出東向北山高閣尙依舊爭前又却
老我傷懷登臨際問何方可以平哀樂唯是酒

萬金藥 勸君且作橫空鶚更休論人間腥腐
紛紛烏攫九萬里風斯在下翻覆雲頭雨腳快
直上崑崙濯髮好臥長虹陂千里是誰言聽取
雙黃鶴 攜翠影浸雲壑

又

蘇仲止判院山中
見訪席上用前韻

聽我三章約有談功談名者舞談經淡酌作賦
相如親滌器識字子雲投閣算枉把精神費却
此會不如公榮者莫呼來政爾妨人樂醫俗士

苦無藥 當年衆鳥看孤鷗意飄然橫空直把
曹吞劉搜老我山中誰是伴須信窮愁有腳似
剪盡還生僧髮白斷此生天休問倩何人說與
乘軒鶴吾有志在丘壑

又

邑中園亭僕皆爲賦此詞一日獨坐停
雲水聲山色競來相娛意溪山欲援例
者遂作數語庶幾彷彿
淵明思親友之意云

甚矣吾衰矣悵平生交游零落只今餘幾白髮
空垂三十丈一笑人間萬事問何物能令公喜

我見青山多嫵媚料青山見我應如是情與貌
略相似一尊搔首東窗裏想淵明停雲詩就
此時風味江左沈酣求明者豈識濁醪妙理回
首叫雲飛風起不恨古人吾不見恨古人不見
吾狂耳知我者二三子

又

再用
前韻

鳥倦飛還矣笑淵明餅中儲粟有無能幾蓮社
高人留翁語我醉寧論許事試沽酒重酌翁喜

一見蕭然音韻古想東籬醉臥參差是千載下
竟誰似元龍百尺高樓裏把新詩慙懃問我
停雲情味北夏門高從拉擁何事須人料理翁
會道繁華朝起塵土人言寧可用顧青山與我
何如耳歌且和楚狂子

又題傅巖叟
悠然閣

路入門前柳到君家悠然細說淵明重九晚歲
凄其無諸葛惟有黃花入手更風雨東籬依舊

顛顛南山高如許是先生拄杖歸來後山不記
何年有 是中不減康廬秀倚西風爲吾喚起
翁能來否鳥倦飛還平林去雲自無心出岫賸
準備新詩幾首欲辨忘言當年意慨遙遙我去
幾幾久天下事可無酒

又 用前韻
再賦

肘後俄生柳歎人生不如意事十常八九右手
淋浪才有用閒却持螯左手謾羸得傷今感舊

投閣先生惟寂寞笑是非不了身前後持此語
問烏有 青山幸自重重秀問新來蕭蕭木落
頗堪秋否總被西風都瘦損依舊千崑萬岫把
萬事無言搔首翁比渠儂人誰好是我常與我
周旋久寧作我一盃酒

又

嚴和之好古博雅以嚴本莊姓取蒙莊
子陵四事曰濮上曰濮梁曰濟澤曰嚴
湖爲四圖屬余賦詞余爲蜀君平之高
揚子雲所謂難階和何以加諸者班孟
堅獨取子雲所稱述爲玉貢諸傳序引
不敢以其姓名列諸傳尊之也故余謂

和之當併圖君平像置之四圖之間庶
幾嚴氏之高節備焉作乳燕飛詞使歌
之

濮上看垂釣更風流羊裘澤畔精神孤矯楚漢
黃金公卿印比看漁竿誰小但過眼纔堪一笑
惠子焉知濠梁樂望桐江千丈高臺好煙雨外
幾魚鳥古來如許高人少細平章兩翁似與
巢由同調已被堯知方洗耳畢竟塵汚人了要
名字人間如掃我愛蜀莊沈冥者解門前不使

徵車到君爲我盡三老

又

和徐斯遠下第
謝諸公載酒韻

逸氣軒眉宇似王良輕車熟路驂騑欲舞我覺
君非池中物咫尺蛟龍雲雨時與命猶須天賦
蘭佩芳菲無人問歎靈均欲向重華訴空鬱鬱
其誰語 兒曹不料楊雄賦怪當年甘泉誤說
青蔥玉樹風引船回滄溟闊目斷三山伊阻但
笑指吾廬何許門外蒼官三百輩盡堂堂八尺

鬚髯古誰載我帶湖去

念奴嬌

書東流村壁

野塘花落又匆匆過了清明時節
剗地東風欺客夢一枕雲屏寒怯
曲岸持觴垂楊繫馬此地曾輕別
樓空人去舊遊飛燕能說聞道綺陌
東頭行人曾見簾底纖纖月
舊恨春江流不斷新恨雲山千疊
料得明朝尊前重見鏡裏花難折
也應驚問近來多少華髮

又登建康賞心亭
呈史留守致道

我來吊古上危樓，贏得闌愁千斛。虎踞龍盤，何處是、只有興亡滿目。柳外斜陽，水邊歸鳥，隴上吹喬木片帆西去。一聲誰噴霜竹。却憶安石風流，東山歲晚，淚落哀箏曲。兒輩功名都付與。長日惟消碁局。寶鏡難尋，碧雲將暮，誰勸盃中綠。江頭風怒，朝來波浪翻屋。

又西湖和人韻

晚風吹雨戰新荷聲亂明珠蒼壁誰把香奩收
寶鏡雲錦周遭紅碧飛鳥翻空遊魚吹浪慣趁
笙歌席坐中豪氣看君一飲千石 遙想處士
風流鶴隨人去已作飛僊客茆舍疎籬今在否
松竹已非疇昔欲說當年望湖樓下水與雲寬
窄醉中休問斷腸桃葉消息

又

和蘇南潤載酒
見過雲樓觀雪

兔園舊賞悵遺踪飛鳥千山都絕縞帶銀盃江

上路惟有南枝香別萬事新奇青山一夜對我
頭先白倚巖千樹玉龍飛上瓊闕莫惜霧鬢
雲鬢試教騎鶴去約尊前月自與詩翁磨凍硯
看掃幽蘭新闕便擬明年人間揮汗畱斫層冰
潔此君何事晚來曾爲腰折

又

賦雨巖効
朱希真體

近來何處有吾愁何處還知吾樂一點淒涼千
古意獨倚西風寥闕剪竹尋泉和雲種樹喚做

真閒箇此心閒處未應長籜丘壑 休說往事
皆非而今覺是且把酒尊酌醉裏不知誰是我
非月非雲非鶴露冷松梢風高桂子醉了還醒
却北窗高臥莫教啼鳥驚著

又

雙陸和陳
仁祖

少年橫槩氣憑陵酒聖詩豪餘事袖手傍觀初
未識兩兩三三而已變化須臾鷗翻石鏡鵲抵
星橋外搗殘秋練玉砧猶想纖指 堪笑千古

爭心等閒一勝拚了光陰費老子忘機渾謾與
鴻鵠飛來天際武媚宮中韋娘局上休把興亡
記布衣百萬看君一笑沉醉

又賦白牡丹和
范先之韻

對花何似似吳宮初教翠圍紅陣欲笑還愁羞
不語惟有傾城嬌韻翠蓋風流牙籤名字舊賞
那堪省天香染露曉來衣潤誰整最愛弄玉
團酥就中一朵會入揚州詠華屋金盤人未醒

稼軒

汲古閣

燕子飛來春盡最憶當年沉香亭北無限春風
恨醉中休問夜深花睡香冷

又

和信守王道
夫席上韻

風狂雨橫是邀勒園林幾多桃李待上層樓無
氣力塵滿欄干誰倚傷火添衣移香就枕莫捲
朱簾起元宵過也春寒猶自如此 爲問幾日
新晴鳩鳴屋上鵲報簷前喜揩拭老來詩句眼
要看拍堤春水月下憑肩花邊繫馬此興今休

矣溪南酒賤光陰只在彈指

又

戲贈善作墨梅者

江南盡處墮玉京僊子絕塵英秀彩筆風流偏
解寫姑射冰姿清瘦笑殺春工細窺天巧妙絕
應難有丹青圖畫一時都愧凡陋還似籬落
孤山嫩寒清曉祇欠香沾袖淡竚輕盈誰付與
弄粉調朱纖手疑是花神竭來人世占得佳名
久松篁佳韻倩君添做三友

又題

梅

疎疎淡淡問阿誰。堪比太真顏色。笑殺東君。虛
占斷多少。朱朱白白。雪裏溫柔。水邊明秀。不借
春工力。骨清香嫩。迥然天與。奇絕。嘗記寶禦
寒輕。瑣窗睡起。玉纖輕摘。漂泊天涯。空瘦損。猶
有當年標格。萬里風煙。一溪霜月。未怕欺他得。
不如歸去。闌風有箇人憺。

又

飄泉酒酣
和東坡韻

倘來軒冕問還是今古人間何物舊日重城愁
萬里風月而今堅壁藥籠功名酒壚身世可憐
蒙頭雪浩歌一曲坐中人物三傑 休歎黃菊
凋零孤標應也有梅花爭發醉裏重揩西望眼
惟有孤鴻明滅萬事從教浮雲來去枉了衝冠
髮故人何在長庚應伴殘月

又

再用韻和洪莘
之通判丹桂詞

道人元是道家風來作煙霞中物憶裁犀遮不

定紅透玲瓏油壁僭得春工惹將秋露薰做江
梅雪我評花譜便應推此爲傑 憔悴何處芳
枝十郎手種看明年花發生斷虛空香色界不
怕西風起滅別駕風流多情更耍簪滿嫦娥髮
等閒折盡玉斧重倩修月

又

洞庭春晚舊傳恐是人間尤物收拾瑤池傾國
艷來向朱欄一壁透戶龍香隔簾鶯語料得肌

如雪月妖真態是誰教避人傑
酒罷歸對寒窗相留昨夜應是梅花發
賦了高唐猶想像不管孤燈明滅
半面難期多情易感愁幾點星星
髮繞梁聲在爲伊忘味三月

又

趙晉臣數文十月望生日自賦詞屬余和韻

看公風骨似長松磊落多生奇節
世上兒曹都蓄縮凍芋芡堆秋飈
結屋溪頭境隨人勝不是江山別
紫雲如陣妙歌爭唱新闕尊酒一笑

相逢與公臭味菊花蘭須悅天上四時調玉燭
萬事宜詢黃髮看取東歸周家叔父手把元龜
說祝公長似十分今夜明月

又

和趙國典
知錄韻

爲沽美酒過溪來誰道幽人難致更覺元龍樓
百尺湖海平生豪氣自歎年來看花索句老不
如人意東風歸路一川松竹如醉怎得身似
莊周夢中蝴蝶花底人闌世記取江頭三月暮

風雨不爲春計萬斛愁來金貂頭上不抵銀瓶
賢無多笑我此篇聊當賓戲

又

重九
席上

龍山何處記當年高會重陽佳節誰與老兵共
一笑落帽參軍華髮莫倚忘懷西風也解點檢
尊前客淒涼今古眼中三兩飛蝶須信采菊
東籬千載之上只有陶彭澤愛說琴中如得趣
絃上
何勞聲切試把空林翁還肯道何必盃中物臨

風一笑請翁同醉今夕

又

用韻答傅先之提舉

君詩好處似鄒魯儒家還有奇節下筆如神彊
抑韻遺恨都無毫髮炙手炎來掉頭冷去無限
長安客丁寧黃菊未消勾引蜂蝶天上絳闕
清都聽君歸去我自癯山澤人道君才剛百鍊
美玉都成泥切我愛風流醉中傾倒丘壑胸中
物一盃相屬莫孤風月今夕

又賦傳巖叟香
月堂兩梅

未須草草賦梅花多少騷人詞客總被西湖林
處士不肯分畱風月疎影橫斜暗香浮動把斷
春消息試將花品細參今古人物看取香月
堂前歲寒相對楚龔之潔自與詩家成一種不
係南昌仙籓怕是當年香山老子姓白名來江
國謫人仙字太白還又名白

又余既爲傳巖叟兩梅賦詞傳君用席上
有語云家有四古梅今百年矣未有一

秋軒

及古閣

品題乞援香月堂何欣然
許之見明前幕詩箋集賦

是誰調護歲寒枝都把蒼苔封了茆舍疎籬江
上路清夜月高山小摸索應知曹劉沈謝何況
霜天曉芬芳一世料君長被花惱惆悵立馬
行人一枝最愛竹外橫斜好我向東鄰曾醉裏
喚起詩家二老拄杖而今婆婆雪裏又識商山
皓請君置酒看渠與我傾倒

沁園春

帶湖新
居將成

三徑初成鶴怨猿驚稼軒未來甚雲山自許平
生意氣衣冠人笑抵死塵埃意倦須還身閒賢
早豈爲尊羹鱸膾哉秋江上看驚絃雁避駭浪
船回東岡更葺茅齋好都把軒窗臨水開要
小舟行釣先應種柳疎籬護竹莫礙觀梅秋菊
堪餐春蘭可佩畱待先生手自栽沉吟久怕君
恩未許此意徘徊

又

送趙景明知縣
東歸再用前韻

稼軒

文正

佇立瀟湘黃鶴高飛望君未來快東風吹斷西
江對語急呼斗酒旋拂塵埃却怪英姿有如君
者猶欠封侯萬里哉空贏得道江南佳句只有
方回錦帆畫舫行齋悵雪浪粘天江景開記
我行南浦送君折柳君逢驛使爲我攀梅落帽
山前呼鷹臺下人道花須滿縣栽都休問看雲
霄高處鵬翼徘徊

又

戎車歲晏忽騰報謂
余以疾挂冠因賦此

老子平生笑盡人間兒女怨根况白頭能幾定
應獨往青雲得意見說長存抖擻衣冠憐渠無
恙合挂當年神武門都如夢算能爭幾許雞曉
鐘昏 此心無有新寃况抱甕年來自灌園但
淒涼顧影頻悲往事慙勤對佛欲問前因却怕
青山也妨賢路休鬪尊前見在身山中友試高
吟楚些重與招魂

又

湖息舊呼奇獅或云菴獅皆非也余考
之為獅書云孫叔敖期息之鄙人也期

息屬弋陽郡此地舊屬弋陽縣雖古之弋陽期息見之圖記者不同然有弋陽則有期息也橋壞復成父老請余賦作沁園春以證之

有美人兮玉佩瓊琚吾夢見之問斜陽猶照漁
樵故里長橋誰記今古期息物化蒼茫神遊彷彿
春與猿吟秋鶴飛還驚嘯向晴波忽見千丈虹霓
覺來西望崔嵬更上有青楓下有溪待空山自薦
寒水秋菊中流却送桂棹蘭旗萬事長嗟百年雙
鬢吾非斯人誰與歸憑闌久正清

愁未了醉墨休題

又

答余叔良

我試評君君定何如玉川似之記李花初發乘
雲共語梅花開後對月相息白髮重來畫橋一
望秋水長天孤鶩飛同吟處看珮搖明月衣捲
青霓相君高節崔嵬是此處耕巖與釣溪被
西風吹盡村簫社鼓青山留得松蓋雲旗吊古
愁濃懷人日暮一片心從天外歸新詞好似淒

涼楚些字字堪題

又

答楊世長

我醉狂吟君作新聲倚歌和之算芬芳定向梅
間得意輕清多是雪裏尋思朱雀橋邊何人會
道野草斜陽春燕飛都休問甚元無霽雨却有
晴霓 詩壇千丈崔嵬更有筆如山雲作溪著
君才未數曹劉敵手風騷合受屈宋降旗誰識
相如平生自許慷慨須乘駟馬歸長安路問垂

虹千柱何處曾題

又

靈山齊菴賦時
菜偃湖未成

疊嶂西馳萬馬回旋衆山欲東正驚湍直下跳
珠倒濺小橋橫截缺月初弓老合投閒天教多
事檢校長身十萬松吾廬小在龍蛇影外風雨
聲中 爭先見面重重看爽氣朝來三四峰似
謝家
子弟衣冠磊落相如庭戶車騎雍容我覺其間
雄淡雅健如對文章太史公新堤路問偃湖何

日煙水濛濛

又

弄溪賦

有酒忘盃有筆忘詩弄溪奈何看從橫斗轉龍
蛇起陸崩騰決去雪練傾河嫋嫋東風悠悠倒
影搖動雲山水又波還知否欠菖蒲攢港綠竹
緣坡長松誰剪嵒我笑野老來耘山上禾算
只因魚鳥天然自樂非關風月閒處偏多芳艸
春溪佳人日暮濯髮滄浪獨浩歌裴回久人間

有誰似老子婆婆

又

期思卜築

一水西來千丈晴虹十里翠屏喜艸堂經歲重
來社老斜川好景不負淵明老鶴高飛一枝移
宿長笑蝸牛戴屋行平章了待十分佳處著箇
茅亭 青山意氣崢嶸似爲我歸來嫵媚生解
頻教花鳥前歌後舞更催雲水草送朝迎酒聖
詩豪可能無勢我乃而今駕馭卿清溪上被山

靈邦笑白髮歸耕

又

將止酒戒酒
杯使勿近

孟汝前來老子今朝點檢形骸甚長年抱渴咽
如焦釜于今喜溢氣似霹靂漫說劉伶古今達
者醉後何妨死便埋渾如許歎汝於知己真少
恩哉 更憑歌舞爲媒算合作人間鴆毒猜況
疾無小大生於所愛物無美惡過則爲災與汝
成言勿畱亟退吾力猶能肆汝孟孟再拜道塵

之卽去有召須來

又

城中諸公載酒入山余不得以
止酒爲解遂破戒一醉再用韻

孟汝知乎酒泉罷候鴟夷乞骸更高陽入謁都
稱蠶曰杜康初筮正得雲雷細數從前不堪餘
恨歲月都將麴蘖埋君詩好似提壺却勸沽酒
何哉 君言病豈無媒似壁上雕弓蛇暗猜記
醉眠陶令終全至樂獨醒屈子未免沈菑欲聽
公言慙非勇者司馬家兒解覆盃還堪笑偕今

稼軒


三十一

汲古閣

宵一醉爲故人來

又

州郡原事壽趙茂嘉郎中時以
置兼濟倉賑濟里中除直秘閣

甲子相高亥首曾疑絳縣老人看長身玉立鶴
般風度方頤  虎樣精神文爛卿雲詩凌鮑
謝筆勢駸駸更右軍渾餘事羨僊都夢覺金閣
名存 門前父老忻忻煥奎閣新褒詔語溫記
他年帷幄須依日月只今劔履快上星辰人道
陰功天教多壽看到貂蟬七葉孫君家裏是幾

枝丹桂幾樹靈椿

又

和吳十
似縣尉

我見君來頓覺吾廬溪山美哉悵平生肝膽都
成楚越只今膠漆誰是陳雷搔首踟躕愛而不
見要得詩來渴望梅還知否怯清風入手日看
千回直須抖擻塵埃人怪我柴門今始開向
松間乍可從他喝道庭中切莫踏破蒼苔豈有
文章謾勞車馬待喚青芻白飯來君非我任功

名意氣莫恁徘徊

水調歌頭

舟次揚州和楊濟翁周顯先韻

落日塞塵起胡馬獵清秋漢家組練十萬列艦
聳層樓誰道投鞭飛渡憶笳鳴鏑血汚風雨佛
狸愁季子正年少匹馬黑貂裘今老矣搔白

首過揚州倦游欲去江上手種橘千頭二客東
南名勝萬卷詩書事業嘗試與君謀莫射南山
虎直覓富民侯

又

落日古城角把酒勸君留
長安路遠何事風雪
弊貂裘散盡黃金身世
不管秦樓人怨歸計狎
沙鷗明夜扁舟去和月載離愁
功名事身未
老幾時休詩書萬卷致身須
到古伊周莫學班
超投筆縱得封侯萬里
憔悴老邊州何處依劉
客寂寞賦登樓

又

淳熙丁酉自江陵移帥隆興到官之二
月被召司馬監趙卿王漕餞別司馬賦

稼軒

三十三

汲古閣

水調歌頭席間次韻時王公剛樞密薨
坐客終夕為興門戶之歡故前章及之

我飲不須勸正怕酒尊空別離亦復何恨此別
恨匆匆頭上貂蟬賢客花外麒麟高塚人世竟
誰雄出門一笑去千里落花風孫劉輩能使
我不爲公余髮種種如是此事付渠儂但得平
生湖海除了醉吟風月此外百無功毫髮皆帝
力更乞鑑湖東

又

淳熙己亥自湖北漕移湖南周總
領王漕趙守置酒南樓席上留別

折盡武昌柳挂席上瀟湘二年魚鳥江上笑我
往來忙富賢何時休問離別中年堪恨憔悴鬢
成霜絲竹陶寫耳急羽且飛觴 序蘭亭歌赤
壁繡衣香使君千騎鼓吹風采漢侯王莫把離
歌頻唱可憺南樓佳處風月已淒涼在家貧亦
好此語試平章

又

盟
鷗

帶湖吾甚愛千丈翠奩開先生杖屨無事一日

走千回凡我同盟鷗鷺今日既盟之後來往莫
相猜白鶴在何處嘗試與偕來 破青萍排翠
藻立蒼苔窺魚笑汝癡計不解舉吾盃廢沼荒
丘疇管明月清風此夜人世幾歡哀東岸綠陰
少楊柳更須栽

又

湯朝美詞諫見
和川韻爲謝

白日射金闕虎豹九關開見君諫疏頻上談笑
挽天回千古忠肝義膽萬里蠻煙瘴雨往事莫

驚猜政恐不免耳消息日邊來
笑吾廬門掩
艸徑封苔未應兩手無用要
把蟹螯盃說劍論
詩余事醉舞狂歌欲倒老子頗堪哀
白髮寧有
種一一醒時栽

又

巖子文同傳安道和
前韻因再和謝之

寄我五雲字恰向酒邊開
東風過盡歸雁不見
客星回均道瑣窗風月更著詩
翁杖屨合作雪
堂猜

子文作雪齋寄書云
迺以旱無以延客

歲旱莫畱客霖雨要

渠來短燈檠長劔缺欲生苔雕弓挂壁無用
照影落清盃多病關心藥裹小摘親鉏菜甲老
子政須哀夜雨北窗竹更倩野人栽

又和趙景明
知縣韻

官事未易了且向酒邊來君如無我問君懷抱
向誰開但放平生丘壑莫管傍人嘲罵淡齧要
驚雷白髮還自嘯何地置衰頰五車書千石
飲百篇才新詞未到瓊瑰先夢滿吾懷已過西

風重九且耍黃花入手詩興未關梅君耍花滿
縣桃李趁時栽

又壽趙漕

介菴

千里渥洼種名動帝王家金鑿當日奏艸落筆
萬龍蛇帶得無邊春下等待江山都老教看鬢
方鴉莫管錢流地且擬醉黃花 喚雙成歌弄
玉舞綠華一觴爲飲千歲江海吸流霞聞道清
都帝所耍挽銀河仙浪西北洗胡沙回首日邊

去雲裏認飛車

又

和王政之右司
吳江觀雪見寄

造化故豪縱千里玉鸞飛等閒更把萬斛瓊粉
蓋玻瓈好卷垂虹千丈只放水壺一色雲海路
應迷老子舊游處回首夢耶非 謫仙人鷗鳥
伴兩忘機掀髯把酒一笑詩在片帆西寄語煙
波舊侶聞道尊鱸正美休裂芰荷衣上界足官
府汗漫與君期

又

九日遊雲洞和
韓南澗尚書韻

今日復何日黃菊爲誰開
淵明謾愛重九曾次
正崔嵬酒亦關人何事政自不能不爾誰遣白
衣來醉把西風扇隨處障塵埃 爲公飲須一
日三百盃此心高處東望雲氣見蓬萊翳鳳驂
鸞公去落佩倒冠吾事抱病且登臺歸路踏明
月人影共徘徊

又

再用韻
並前韻

千古老蟾口雲洞插天開漲痕當日何事洶湧
到崔嵬攪土搏沙兒戲翠谷蒼崖幾變風雨化
人來萬里須臾耳野馬驟空埃笑年來蕉鹿
夢畫蛇盃黃花憔悴風露野碧漲荒萊此會明
年誰健後日猶今視簪歌舞只空臺愛酒陶元
亮無酒正徘徊

又

再用韻李
子承提幹

君莫賦幽憤一語試相開長安車馬道上平地

起崔嵬我愧淵明久矣猶俗此翁湔洗素壁寫
歸來斜日透虛隙一線萬飛埃斷吾生左持
蟹右持盃買山自種雲樹山下斲煙萊百鍊都
成繞指萬事直須稱好人世幾與臺劉郎更堪
笑剛賦看花回

又

慶韓南問
尚書七十

上古八千歲纔是一春秋不應此日剛把七十
壽君侯看取垂天雲翼九萬里風在下與造物

同游君欲計歲月嘗試問莊周
醉淋浪歌窈窕舞溫柔從今杖屨南澗白日爲君畱聞道鈞
天帝所頻上玉卮春酒冠蓋擁龍樓快上星辰
去名姓動金甌

又

鼎上川黃德和
惟官讀詩南澗

上界足官府公是地行僊青氈劔履舊物玉立
近天顏莫怪新來白髮恐是當年柱下道德五
千言南澗舊活計猿鶴且相安
歌秦缶寶康

瓠世皆然不知清廟鐘磬零落有誰編莫問行
藏用舍畢竟山林鐘鼎底事有虧全再拜荷公
賜雙鶴一千年

公以雙
鶴見壽

又

和信守鄭舜
舉蔗菴韻

萬事到白髮日月幾西東羊腸九折岐路老我
慣經從竹樹前溪風月鷄酒東家父老一笑偶
相逢此樂竟誰覺天外有冥鴻 味平生公與
我定無同玉堂金馬自有佳處著詩翁好鎖雲

煙窗戶怕入丹青圖
面飛去了無蹤
此語更癡絕
真有虎頭風

又

送守信
王桂發

酒罷且勿起重挽使君鬚
一身都是和氣別去
意何如我輩情鍾
休問父老田頭說
尹淚落獨憐渠
秋水見毛髮千尺定無魚
望青闕左黃閣
右紫樞東風桃李陌
上下馬拜除書屈指
吾生餘幾多病妨人痛飲
此事正愁余
江湖有歸

雁能寄艸堂無

又

送鄭厚卿
赴衡州

寒食不少住千騎擁春衫衡陽石鼓城下記我
舊停驂襟以瀟湘桂嶺帶以洞庭青艸紫蓋屹
西南文字起騷雅刀劒化新蠶 看使君於此
事定不凡奮髯抵几堂上尊俎自高談莫信君
門萬里但使民歌五袴歸詔鳳凰啣君去我誰
飲明月影成三

又

提朝李君索余賦野秀綠遠二詩余詩尋醫久矣姑合二榜之意賦水調歌頭以遺之然君才氣不減流輩豈求田問舍而獨樂身耶

文字覩天巧亭榭定風流平生丘壑歲晚也作
稻梁謀五畝園中秀野一水田將綠遶穉不
勝秋飽飯對花竹可是便忘憂吾老矣探禹
穴欠東遊君家風月幾許白馬去悠悠插架牙
籤萬軸射虎南山一騎容我攬鬚不更欲勸君
酒百尺臥高樓

又

元日投宿博山寺
見者驚歎其老

頭白牙齒缺君勿笑衰翁無窮天地今古人在
四之中臭腐神奇俱盡賢賤賢愚等耳造物也
兒童老佛更堪笑談妙說虛空坐堆厖行答
颯立龍鍾有時三盞兩盞淡酒醉濛鴻四十九
年前事一百八盤狹路拄杖倚牆東老景竟何
似只與少年同

又

送楊
民瞻

日月如磨蟻萬事且浮休君看簷外江水滾滾
自東流風雨瓢泉夜半花艸雪樓春到老子已
菟裘歲晚問無恙歸計橘千頭 夢連環歌彈
鈇賦登樓黃鶴白酒君去村社一番秋長劔倚
天誰問夷甫諸人堪笑西北有神州此事君自
了千古一扁舟

又

送施樞密聖與帥
江西信之讖云

相公倦台鼎要伴赤松遊高牙千里東夏笳鼓

萬貔貅試問東山風月更著中年絲竹畱得謝
公不孺子宅邊水雲影自悠悠 占古語方人
也正黑頭穹龜突兀千丈石打玉溪流金印沙
堤時節画棟珠簾雲雨一醉早歸休賤子祝再
拜西北有神州

又

壬子三山被召陳端
仁給事飲餞席上作

長恨復長恨裁作短歌行何人爲我楚舞聽我
楚狂聲余旣滋蘭九畹又樹蕙之百畹秋菊更

餐英門外滄浪水可以濯吾纓 一盃酒問何
似身後名人間萬事毫髮常重泰山輕悲莫悲
生離別樂莫樂新相識兒女古今情富貴非吾
事歸與白鷗盟

又

題長晉英提
舉玉峰樓

木末翠樓出詩眼巧安排天公一夜削出四面
玉崔嵬疇管此山安在應爲先生見晚萬馬一
時來白鳥飛不盡却帶夕陽回 勸君飲左手

蟹右手盃人間萬事變滅今古幾池臺君看莊
生達者猶對山林臯壤哀樂未忘懷我老尙能
賦風月試追陪

又

三山用趙丞相韻會帥幕王君且
有感於中秋近事併見之末章

說與西湖客觀水更觀山淡粧濃抹西子喚起
一時觀種柳人今天上對酒歌翻水調醉墨捲
秋瀾老子興不淺歌舞莫教閑看筭前輕聚
散少悲歡城頭無限今古落日曉霜寒誰唱黃

雞白酒猶記紅旗清夜千騎月臨關莫說西州
路且盡一盃看

又

卽席和金華杜仲高韻
併壽諸友惟醕乃佳耳

萬事一盃酒長歎復長歌杜陵有客剛賦雲外
築娑婆須信功名兒輩誰識年來心事古并不
生波種種看余髮積雪就中多 二三子問丹
桂倩素娥平生螢雪男兒無奈五車何看取長
安得意莫恨春風看盡花柳自蹉跎今夕且歡

笑明月鏡新磨

又

醉吟

四坐且勿語聽我醉中吟
池塘春艸未歇高樹
變鳴禽鴻雁初飛江上
蟋蟀還來牀下時序百
年心誰要卿料理山水
有清音 歡多少歌長
短酒淺淡而今已不如
昔後定不如今閑處直
須行樂良夜更教秉燭
高會惜分陰白髮短如
許黃菊倩誰簪

又題趙晉臣數文
真得歸方是閑

十里溪窮窅萬瓦碧參差青山屋上流水屋下
綠橫溪真得歸來嘯語方是閑中風月剩費酒
邊詩點檢笙歌了琴罷更圍碁 王家竹陶家
柳謝家池知君勲業未了不是枕流時莫向癡
兒說夢且作山人索價頗怪鶴書遲一事定真
我已辦北山移

又賦傅巖叟
悠然閑

歲歲有黃菊千載一東籬悠然政須兩字長笑
退之詩自古此山元有何事當時纔見此意有
誰知君起更斟酒我醉不須辭 回首處雲正
出鳥倦飛重來樓上一句端的與君期都把軒
窗寫遍更使兒童誦得歸去來兮辭萬卷有時
用植杖且耘耔

又

題吳子似瑛山堂經
德堂陸象山取名也

喚起子陸子經德問何如萬鍾於我何有不負

古人書聞道千章松桂剩有四時柯葉霜雪歲
寒餘此是瑱山境還似象山無耕也餒學也
祿孔之徒青山畢竟升斗此意頗關渠天地清
寧高下日月東西寒暑何用著工夫兩字君勿
憺憺我榜吾廬

又

賦松
菊堂

淵明最愛菊三徑也栽松何人收拾千載風味
此山中手把離騷讀遍自掃落英餐罷杖屨曉

霜濃皎皎大獨立更插萬芙蓉
水潏潏雲頰
洞石龕從素琴濁酒喚客端有古人風却怪青
山能巧政爾橫看成嶺轉面已成峰詩句得活
法日月有新工

又

將遷新居不成戲作時以病
止酒且遣去歌者未章及之

我亦卜居者歲晚望三閩昂昂千里泛泛不作
水中鳧好在書攜一束莫問家徒四壁

舞烏有歌亡

是飲子虎二三子者愛我此外故人疎幽事欲
論誰共白鶴飛來似可忽去復何如衆鳥欣有
托吾亦愛吾廬

又

趙昌父用東坡韻敘太白東坡事見寄
過相褒借因用韻爲謝兼寄吳子似

我志在寥濶疇管夢登天摩娑素用人世俛仰
已千年有客驂鸞翳鳳雲遇青山赤壁相約上
高寒酌酒援北斗我亦蠶其間少歌曰神甚
放形則眠鴻鵠一再高舉天地睹方圓欲重歌

兮夢覺推枕惆然獨念人事底虧全有美人可
語秋水隔嬋娟

又

題永豐楊少游
提點一枝堂

萬事幾時足日月自西東無窮宇宙人是一粟
太倉中一葛一裘經歲一鉢一瓶終日老子舊
家風更著一盃酒夢覺大槐宮 記當年赫腐
鼠歎冥鴻衣冠神武門外驚倒幾兒童休說須
彌芥子看取鷓鴣斥鷃小大若爲同君欲論齊

物須訪一枝翁

又

席上爲葉仲洽賦

高馬勿捶面千里事難量長魚變化雲雨無使
寸鱗傷一壑一丘吾事一斗一石皆醉風月幾
千場鬚作蝟毛磔筆作劍鋒長我憐君癡絕
似顧長康綸巾羽扇顛倒又似竹林狂解道長
江如練準備停雲堂上千首買秋光怨調爲誰
賦一斛貯檳榔

玉蝴蝶

追別杜仲高

古道行人來去香滿紅樹風雨殘花望斷青山
高處都被雲遮客重來風流觴詠春已去光景
桑麻苦無多一條垂柳雨箇啼鴉 人家疎疎
翠竹陰陰綠樹淺淺寒沙醉兀藍輿夜來豪飲
太狂些到如今都齊醒却只依舊無奈愁何試
聽呵寒食近也且住爲佳

又

杜仲高書來
戒酒用韻

賢賤偶然渾似隨風簾幙籬落飛花空使兒曹
馬上羞面頻遮向空江誰捐玉珮寄離恨應折
疏麻幕雲多佳人何處數盡歸鴉 儂家生涯
蠟屐功名破甌交友搏沙往日曾論淵明似勝
臥龍些算來從人生行樂休便說日飲亡何快
斟呵裁詩未穩得酒良佳